

上清大洞九宮朝修秘訣上道 四九

兩專周德大洞傳

雌一四宮

一寸為玉帝宮玉清神母居之在洞明兩夾間上一寸

二寸為天庭宮上清真女居之在洞泥兩夾間上一寸

三寸為極真宮太微帝居之在泥流兩夾間上一寸

四寸為太皇宮太皇君后居之在流玄兩夾間上一寸

雄一五宮

一寸為明堂宮長生大帝居之二寸為洞房宮中央黃老君居之三寸為丹田宮元始上帝居之四寸為流珠宮太上道君居之五寸為玄丹宮玉皇大帝居之



明堂宮上道第一

自兩眉角入骨三寸左曰絳臺青房右曰黃闕紫戶其絳臺以紅玉為臺青玉為房中有大神衣青錦衣執流金火鈴名正心字切方黃闕以黃玉為臺紫玉為房中有大神衣黃錦衣執流金火鈴名平靜字法王口吐青黃紫雲之氣坐於其中禁遏一切邪魅之氣如耳內有金聲玉振之音乃是外事來入宮二神鳴金鐘玉磬以告九宮急摩兩手令熱掩耳門叩齒九通閉息心呪曰

赤子在宮九宮在房請聽靈命以却不祥太一流火除厄去殃

呪畢覺面熱是邪氣至急存二神擲流金火鈴自兩眉角出良久再兩手相摩令熱掩耳如覺頭面溫溫然即邪氣去矣如覺森森然即是邪氣未去再叩齒九過心呪三遍二神擲流金火鈴偏於泥丸其邪立出然後畧卧少時立愈

入眉一寸名明堂宮左有日象徑九分紫光九芒右有月象徑一寸黃光十芒中有

明鏡神君貌如嬰兒始生之形衣綠錦衣帶流金火鈴口銜赤玉鏡有赤光乃長生大帝君分神也號明堂真君名四明字照精左有明童真君如帝君象乃韓君丈人分神也名玄陽字少清右有明女真君亦如帝君象名玄陰字少元兆三呼名字叩齒九通心呪曰

紫戶青房中有大神切法方王次入明堂玄明元清四明照精坐鎮明堂口銜玉鏡斷除不祥流金火鈴除厄去殃

如夜行路暗存三君以赤玉鏡照路如光良久自明以逢兇人惡鬼經過邪廟及兇賊之地存三君振赤玉鏡如雷霆聲兵賊惡鬼並皆震仆如遇瘟疫邪氣寒熱千身即存三君振玉鏡四十九聲變成大火焚北一身良久汗出溫然其病頓愈凡行路缺食用乏即存三君振赤玉鏡三十六聲鏡中赤氣變成紅液舌柱上脘滿口含津勿咽片時溫溫分作三咽三次用之飢渴頓除凡遇耳中聞敲槌揚波搗鼓之聲是

體中勞倦將沉痾急焚香於靜室內仰卧
存三君振玉鏡二十四下赤氣偏身化為
大火鍊形通赤一時良久其疾頓除凡遇
無故忽見聚血及聞血腥之氣皆主共橫
惡兇之災急持齋入室不接人事求救於
三元帝君及明堂三君一月乃至變兇為
吉或遇惡夢轉枕及被左手撫心叩齒二
十四通密祝曰

大洞真文章鍊三魂受心節度速啓太上三
元官向遇不祥之夢是七魄遊尸來協邪源
急召桃康護命上告帝君五老九真皆守體
門黃關神師紫戶將軍把鉞搖鈴消磨惡精
反兇成吉生死無緣

三祝之良久放四大畧寂必有吉慶行之
三年更無一切之夢似夢見境皆是未來

吉凶

洞房宮上道第二

兆入室焚香叩齒端坐寧心息慮存中有黃
老帝君口吐紫氣自己以鼻引氣咽之三十
五過治三界水火刀兵人間千災萬難延續

青箒四死作生如大洞回風混合之道存自
已在黃老帝君之側點誦九章八十一章計
九過共為一編則三界舉名五帝注位列為
真人一身萬神俱備然後吐納紫氣灌溉一
身

泥丸宮上道第三

兆入室焚香叩齒端坐寧心息慮存中有天
帝君如嬰兒始生之形衣紅錦衣坐日中誦
三天諱乃元始分身也左有上元赤子帝君
如嬰兒始生形著赤綉華衣名熒肇天宇元
先手執神虎符右有帝卿亦如嬰兒始生形
著赤綉華衣名肇精宇玄生手執大洞真經
七星覆上以柄前指宮中有紫氣衝天九萬
里

流珠宮上道第四

兆入室焚香叩齒端坐寧心息慮存流珠真
神乃太上道君分神也亦能攝衆行事又是
羣仙所居之官也

女丹宮上道第五

兆入室焚香祝啓紫微女丹宮太一中皇帝

君諱厥想英字曰化元金牀玉帳紫綉錦裙
腰帶火鈴斬邪滅毒手把星精項生圓光正
坐吐氣滅跡放煙與神同宴與氣元丹和魂
鍊魄使保飛仙臣今信禮萬化生成

次焚香存北斗中有紫氣一道如繩下降從
眉間入女丹宮次存斗口中有日象下降從

先眉間直入官中須臾如紫霧徧滿腦中如
火珠之狀良久忽見玄丹君從斗口下降從

眉間入官坐日中衣紫綉瓊水腰紫綉華裙
項紫玉展冠左手執斗柄乃曜星也右手執

璇根乃紫微斗口相對第六星也口吐紫氣氣
盈腰帶火鈴次存自己形如道寶大青衣冠

服乘簡於玄丹君前九拜心祝曰規英化元
三呼之叩齒九通良久玄丹君與兆乘絳氣

同入斗中金臺玉殿瓊玕寶帳金牀玉几兆

與玄丹君三拜跪吞服紫氣八十一口玄丹
君同兆乘紫氣回玄丹宮坐兆因懇息於玄

丹君前定意良久即有奇報候片時定息出
室常如此行之次遇立春春分乘紫氣入斗

至陽明星各飲青氣九口立夏夏至至丹元

星飲赤氣三口立秋秋分至陰精星各飲白
氣七口立冬冬至至玄冥星各飲黑氣五口
四季至天關星飲黃氣十二口畢太一與光
同歸自己玄丹宮兆却自己心中行之十八
年十騎萬乘迎于白日昇晨其功至妙却過
萬魔不可具述若行此道不必更行三一之
法也

雌四宮真一內神寶名玉訣

凡學上真之道不知雌真一之內名萬不得
仙也學者受師口訣然後奉行

玉清神母姓麻名街字荒茅長九寸九分著
玄黃素靈之綬頭戴七稱珠王之髻冠無極
進賢之冠居無上之太極珠宮中七寶之府
五靈鄉玄元里下治兆身玉帝宮

上清真女姓厥名四宇頰頰長六寸六分著
青寶神光錦綉靈霞九色之綬頭戴玉寶飛
雲之髻冠玄黃進賢之冠居無上之上太上
崑崙太幽宮明堂府九光鄉大化里下治兆
身天庭宮

太極帝妃姓玄名虛生字伯無長七寸七分

著玄羅流光五色鳳文之綬頭戴七寶玄雲
之髻冠無極進賢之冠居元景之上太清極
玄宮中玉房府三丹鄉丹元里下治兆身極
真宮

太上君后姓還名含孩字含賢生長三寸三

分著七寶飛精玄光雲錦霜羅九色文綬頭
戴九玄玉精類雲之髻冠玄黃無極三寶玉
冠居太清九玄之上洞浮極真宮中丹精府
雲光鄉玄玄里下治兆身太皇宮

夫行玄丹之道守三一之訣當存四宮雌真

一之神水服形名諱鄉居所在此寶經之上
篇以傳見成真人者始學不得其要素靈所
秘不行於世凡受上真之法三寶神經雖通
靈究微不知雌真一之法亦無所成矣故太
上探且重禁格於輕泄不載於紙墨者宜

審實內心然後受焉每以正旦月朔及太歲
本生之日沐浴清齋入室東向存思四宮雌
真一之神鄉居姓名服色長短如上法畢叩
齒三十六通呪曰
太真陰神號曰女靈變景九玄乘真隱冥日

告天玄告齋上清心念目矚洞鑿神形還宮
守室玉華芳多五色變化流黃紫青運致飛
霞上遠帝庭

呪畢咽氣三十六過止如此九年面生玉
華金真映光神見軀形與兆共言子既見

神心知自己慎勿妄傳

此四宮雌真一之神是天生始生之陰宮受
號帝妃其元氣未立五政未開光景未通無
極無虛無上無下無外無內無左無右無前
無後太之上元精玄始之妙真虛極之先結
氣而凝混化萬物天地得存皆由四真也能
有志心存思者千齡不知先天之中萬神同
壽也

上清大洞九宮朝修秘訣上道